

ՍՓՅՈՒՌԱՆՆԵՐ ԿՅԱՆՔ ԺԻՅՆԻ ԶԱՐԱԲԵՋՆԻՅԱՆ ԱՐՄԻԱ

ՄԵԾԱԿՈՒԹԱՅԻՆ ԵՎ ՀԱՍԱՐԱԿԱԿԱՆ ԿՅԱՆՔԸ ՍՓՅՈՒՌԱՆՆԵՐ

(1968 թ. հունվար—հունիս)

ԲՈՒՆԴԱՐԻ Ա

Հունվարի 28-ին Շումենում հայկական «Շիր-վանդադե» թատերախումբը հաջողությամբ ներկայացրել է Շիրվանդադեի «Քաոս»-ը՝ ներկայացման ուժեղությամբ է. Բովանովը:

«Երևան», 9 փետրվարի

ՀՈՒՆԳԱՐԻ Ա

Բուդապեշտում նշվել է Եղիշե Զարենցի ծննդյան 70-ամյակը:

Փետրվարի 20-ին «Գրականության բեմ» սրահում հունգարացիների կողմից կազմակերպված երեկոն նվիրված է եղել Հայաստանին, նրա մշակույթին ու գրականությանը: Միաժամանակ որոշում է ընդունված Բուդապեշտի համալսարանի լեզվաբանության և գրականության սրահում կազմակերպել հայոց լեզվին և գրականությանը նվիրված դասախոսություններ, որոնք կարդալու է Պալ Սալմաշին:

«Զարթոնք», 19 մայիսի

ԹԻՒՄԻՆԻ Ա

Բուխարեստում լույս տեսնող ռումիներեն պարբերականներից մեկում տպագրվել է Նարեկացու կյանքին և ստեղծագործությանը նվիրված մի ուսումնասիրություն և «Մատյան ողբերգության» պոեմի որոշ հատվածների թարգմանությունը: Թարգմանությունը կատարել է Ամենայն Հայոց կաթողիկոս Վազգեն Ա-ն:

Թումինացի ընթերցողը այս թարգմանությամբ առաջին անգամ է ծանոթանում միջնադարյան հայ հանճարեղ բանաստեղծի հետ:

«Աշխարհ», 27 մարտի

* * *

Վերջերս Բուխարեստում լույս է տեսել 60 էջից բաղկացած մի գրքույկ, ուր տեղավորված են հայկական հեթանոսներ ռումիններեն թարգմանությամբ, 114, 140 տպաքանակով: Գրքույկը նկատարագրել է Մ. Փոսան:

«Նոր կյանք», 17 մարտի

ԱՄՀ

Կահիրեի հայ մշակութային ակումբների նախաձեռնությամբ փետրվարի 14-ին կազմակերպվել է վաստակավոր դերասանուհի տիկին Արաքսի Օհանյանի թատերական գործունեության քառասնամյա հորելյանը: Հորելյանական նիստին նախագահել է Եգիպտոսի փոխվարչապետ և մշակույթի նախարար Սարուաթ Օթաշան:

«Աշխարհ», 13 փետրվարի

* * *

Ալեքսանդրիայի Սեն Ֆրանսուա Կապիե սրահում նշվել է Վենետիկի Մխիթարյան միաբանության հաստատման 250-ամյակը:

«Աշխարհ», 23 մարտի

* * *

Մարտի 27-ին Կահիրեի Գեղարվեստասիրաց Միության սրահում միության վարչության նախաձեռնությամբ տեղի է ունեցել հայ գրականությանը նշանավոր դեմքերից մեկին՝ Բենիամին Նուրիկյանին նվիրված մեծարանքի երեկո: Նրա կողմից հրատարակվող «Նոր դիր» ամսաթերթը երկար տարիներ մեծ դեր է կատարել սփյուռքահայության համար:

«Աշխարհ», 20 ապրիլի

* * *

Ֆրանսահայ տաղանդավոր նկարիչ Գառուի ցուցահանդեսը բացվել է Կահիրեի Ազգային Գալուստյան վարժարանի ցուցասրահում: Ներկայացված են մեծանուն արվեստագետի քառասուն վիճակագրական նկարները:

«Արարատ», 1 հունիսի

ԼԻՐԱՆԱՆ

Բեյրութի Հ. Ե. Ը. Զարեհ-Նուպար ակումբում հունիսի 25-ին տեղի է ունեցել երեկո՝ նվիրված Վահրամ Փափազյանի հիշատակին: Լսվեցին զեկուցումներ Վահրամ Փափազյանի կյանքի ու գործունեության մասին: Գեղարվեստական բաժնում հատվածներ կարդացվեցին Փափազյանի «Հետադարձ հայացք» և «Իմ Օթելլոն» դրերից:

«Արարատ», 28 հունիսի

ՈՒՐԻԱ

Հովհաննես Թումանյանի ծննդյան 100-ամյակի առթիվ Հալեպում արար նշանավոր դրող Նիզար Խալիլի թարգմանությամբ լույս է տեսել «Մի կաթիլ մեղրը»։ Դիրքը գեղարվեստորեն ձևավորել է գեղանկարիչ Սարգիս Քեչիշյանը, պատկերադարձել է նկարիչ Լ. Խանամիրյանը։

«Գրական թերթ», 29 մարտի

ԵԹՈՎՊԻԱ

Ադիս-Աբեբայի «Արարատ» մարմնամարզական միության հրավերով այստեղ համերգ է տվել եղիսյահայ անվանի երգիչ և դերասան Գրիգոր Փարթամյանը։

Դադութի այս տարվա մի այլ ձեռնարկն է եղել Երվանդ Օտյանի և Միքայել Կյուրճյանի «Զարչըլը Արթին աղա» կատակերգության բեմադրությունը։

«Սեան», 15 մայիսի

ԻՐԱՆ

Իսպահանի համալսարանի հայադիտական բաժնում, որը հիմնվել է 1960 թ., սովորում են մոտ վեց տասնյակ հայ երիտասարդներ։ Համալսարանը հայագետ ուսուցիչներ է պատրաստում հայկական դպրոցների համար։

«Զարթոնք», 25 հունիսի

ԻՐԱՔ

Բաղդադի «Ալ Շաապ» հանդիսասրահում հունվարի 14-ին համերգ է տվել տիկին Արփինե Փեհլիվանյանը։ Նա կատարել է Մոցարտի, Բելլինիի, ինչպես նաև Կոմիտասի, Ալեմշահի, Կառաչյանի, Մեհրապյի, Տիգրանյանի ստեղծագործություններից։ Համերգը անցել է հաջողությամբ։

«Աշխարհ», 13 փետրվարի

ԹՈՒՐԻԱ

Ֆրանսահայ տաղանդավոր դաշնակահար Րաֆֆի Պետրոսյանը հունվարի 21-ին Ստամբուլում հայ սանուց միության համար համերգ է տվել։

«Աշխարհ», 7 փետրվարի

* * *

Ստամբուլում մարտի 6-ին հաջողությամբ համերգ է տվել ամերիկահայ տաղանդավոր երգչուհի Ժակլին Շահպաղյանը։ Համերգի ծրագրում տեղ են գտել ինչպես եվրոպական դասական կոմպոզիտորների, այնպես էլ հայ կոմպոզիտորների ստեղծագործությունները։

«Աշխարհ», 27 մարտի

ՖՐԱՆՍԻԱ

Ֆրանսահայ «Աշխարհ» շաբաթաթերթը սկսել է հրատարակել «Աշխարհ գրական» հավելվա-

ծը, որը լույս է տեսնում ամիսը մեկ անգամ և նվիրված է գրականության ու արվեստի հարցերին։

«Պայքար», Ստամբուլ, 8 փետրվարի

* * *

Նկարիչ Սարգիս Զապունյանը (ծնված 1938 թ.) Փարիզի միջազգային ցուցահանդեսում ստացել է առաջին մրցանակներից մեկը։

«Զարթոնք», 24 փետրվարի

* * *

Հայաստանից վերադառնալուց հետո Փարիզում ներկայումս իր կտավներն է ցուցադրում ֆրանսահայ նկարիչ Զարեհ Մուրաֆյանը։ Այդ 46 կտավները ներկայացնում են հայաստանյան տեսարաններ։

«Զարթոնք», 7 մարտի

* * *

Մարտի 15—23-ը Փարիզի 20-րդ թաղամասի «Երիտասարդների և մշակույթի տան» և ֆրանսահայ երիտասարդների միության (ԺԱՖ) Փարիզի մասնաճյուղի նախաձեռնությամբ կազմակերպվել է հայ մշակույթին նվիրված տասնօրյակ, որի հիմնական նպատակն է ֆրանսիացի հասարակությանը ծանոթացնել հայ ժողովրդի պատմության գլխավոր իրադարձություններին։

Մարտի 15-ին տեղի է ունեցել տասնօրյակի հանդիսավոր բացումը։ Ցուցահանդեսում ներկայացված են V—VII և IX—XI դարերի հայ ճարտարապետական նշանավոր կոթողները, Սովետական Հայաստանի ճարտարապետության ներկա աճը, ինչպես նաև Արտավազդ Պերպերյանի կողմից պատրաստված բացատրական ցուցատախտակներ՝ նվիրված հայ ժողովրդի պատմության և մշակույթի գլխավոր փուլերին։ Ցուցադրված են նաև հայերեն ու ֆրանսերեն զերթեր հայ մանրանկարչության, ճարտարապետության և գրականության վերաբերյալ։

Բացման նիստին ելույթ է ունեցել հայագետ պրոֆ. Ֆրեդերիկ Ֆեյդին։

«Աշխարհ», 16 մարտի

* * *

Փարիզի հայ արվեստագետները ստեղծել են Թորոս Ռոսլինի անվան ընկերություն, որն իր շուրջն է համախմբել մոտ երեսուն գեղանկարիչների, քանդակագործների, ճարտարապետների, լուսանկարիչների։

Ընկերության անդամների նիստը տեղի է ունեցել փետրվարի 15-ին, որին մասնակցել են ընկերության անդամներ Գառզուն, Դարիա Կամսարականը, Բ. Թոփալյանը, Արտավազդ Պերպերյանը, Ռ. Ժերանյանը, Ե. Յուրյանը և ուրիշներ։

Շնչկերությունը նպատակ ունի դառնալ մշակույթի այնպիսի օջախ, որը ոչ միայն պետք է համախմբի հայ արվեստագետներին, այլև ամրապնդի կապը սփյուռքի զխավոր կենտրոնների արվեստագետների և մանավանդ հայրենիքի արվեստագետների միջև:

Միության ատենապետն է գեղանկարիչ Ժորժ Հակոբյանը:

«Պայքար», 23 մարտի

* * *

Մարտի 23-ին Շան զ'էլիզեում տեղի է ունեցել Բաֆֆի Պետրոսյանի համերգը Իլ դը Ֆրանս նշանավոր նվագախմբի ընկերակցությամբ: Կատարվել են Պրոկոֆևի երրորդ դաշնամուրային կոնցերտը և Շոպենի նոկտյուրներ: Համերգն անցել է մեծ հաջողությամբ:

«Աշխարհ», 10 ապրիլի

* * *

Փարիզի գեղարվեստից բարձրագույն վարժարանի դասախոս, ճարտարապետ էդուարդ Յուբյունյանը լույս է ընծայել «Հայկական հուշակոթողները շորրորդեն մինչև տասնյոթերորդ դարը» աշխատությունը:

Աշխատության մեջ վեր է հանված հայ ճարտարապետության դերը բյուզանդական ճարտարապետության ժազման մեջ:

«Պայքար», 11 մայիսի

Ի Տ Ա Լ Ի Ա

Փետրվարի 21-ին Վենետիկի «Նայլ հոլ» սրահում նշվել է Ս. Ղազարի Մխիթարյան վանքի հիմնադրման 250-ամյակը:

«Ջահակիր», 29 փետրվարի

* * *

Լիբանանահայ բարիտոն Տիգրան Ժամկոչյանը ապրիլի 16-ին Միլանի Մամուլի տան ակումբում հանդես է եկել ճոխ համերգով, բաղկացած դասական և հայկական երաժշտությունից:

Համերգից առաջ Խալահայերի միության նախագահ Ստեփան Սրապյանը զեկուցում է կարդացել հայ մշակույթի և երաժշտության մասին:

«Աշխարհ», 20 ապրիլի

* * *

Հռոմում ամեն տարի տեղի է ունենում բյուզանդական ու արևելյան եկեղեցական և ժողովրդական երաժշտության միջազգային համագումար:

Այս տարի համագումարի կազմակերպիչները ռոշել են Իտալիայի ժողովրդին ներկայացնել հայկական եկեղեցական և ժողովրդական երաժշտություն, որը և մայիսի 10-ին հաղորդվեց Հռոմի ազգային ռադիոկայանով:

Հռոմի Լեոնյան ժառանգավորաց վարժարանի ուսանողները մեծ հաջողությամբ կատարեցին հայկական եկեղեցական երգեր ու շարականներ և հայկական ժողովրդական ու արդի երգեր:

«Արարատ», 20 մայիսի

Ա Վ Ս Տ Ր Ի Ա

Փետրվարին մահացել է Վիննայի Մխիթարյան միարանության հնագույն անդամ Համազասպ Ոսկյանը: Նա հեղինակ է բազմաթիվ արժեքավոր աշխատությունների: Ներսես Ակինյանի մահվանից հետո խմբագրել է «Հանդես ամսօրյան» Նա Վիննայի համալսարանի դոկտորի աստիճան էր ստացել:

«Աշխարհ», 23 մարտի

* * *

Վիննայում ներկայումս ապրում են մոտ 250 հայեր: Գաղութն ունի ազգային-եկեղեցական մարմին: Սովորում են 40 ուսանողներ, որոնցից 37-ը՝ Իրանից: Ուսանողները գերմաներեն հոգավածներ են տպագրում «Նոյն ցայտ» թերթում, կազմակերպում դասախոսություններ Հայաստանի մասին և այլն:

«Ջահակիր», 23 մայիսի

Շ Վ Ե Յ Ա Ր Ի Ա

Շվեյցարիայի հայոց միության նախաձեռնությամբ նշվել է հայ մամուլի գործիչ Լևոն Թութունճյանի հիսնամյակը: Լոզանի թերթերը հոգավածներ են տպագրել Լ. Թութունճյանի հիսնամյակի կապակցությամբ:

«Աշխարհ», 10 ապրիլի

Ա Ն Գ Լ Ի Ա

Լոնդոնի Սլոն վարժարանի սրահում փետրվարի 24-ին տեղի է ունեցել հայկական ժողովրդական երգերի համերգ՝ Երջանիկ Մխիթարյանի ղեկավարությամբ:

«Արև», 11 ապրիլի

Վ Ե Ն Ե Ս Ո Ւ Ե Լ Ա

Առաջին համաշխարհային պատերազմից հետո մի քանի հայ ընտանիքներ են հաստատվում Կարակասում, որով հիմք է դրվում Վենեսուելայի հայկական զաղութին: Հետագայում աստիճանաբար ավելանում է հայ բնակչության թիվը: 1967 թ. բացվում է Ազգային Արարատ տունը՝ այնուհետև՝ հայկական շարաթօրյա դպրոց երեխաների համար: Ստեղծվել են Հայ տիկնանց միություն և Հայ երիտասարդաց միություն: Կազմակերպվել են երգի-պարի և թատերական խմբեր:

«Պայքար», Ստամբուլ, 8 փետրվարի

Կ Ա Ն Ա Դ Ա

Փետրվարի 18-ից սկսած Մոնրեալի ռադիոն ամեն կիրակի օր կանոնավոր հաղորդումներ է տալու հայերեն լեզվով:

«Ջահակիր», 22 փետրվարի

* * *

Հռչակավոր ջութակահար Ժիրայր Գանթարճյանը Նյու-Յորքից հրավիրվել է Կանադա որպես Տորոնտոյի նշանավոր սիմֆոնիկ նվագախմբի մենակատար և առաջին ջութակ: Կանադայի կենտրոնական թերթերը դրվատական հոգվածներ են տպագրել անվանի ջութակահարի մասին: Տորոնտոյի «Նյուս» թերթը գրում է. «Ժիրայր Գանթարճյան կամ կախարդական մատներ»: Նույն թերթը Գանթարճյանի ներկայությունը նվագախմբում համարում է «ամենեն նշանակալից երևույթը նվագախմբի պատմության մեջ»:

«Պայքար», 29 փետրվարի

* * *

Տորոնտոյի հայկական գաղութը բաղկացած է 3000 մարդուց: Գաղութում գործում է Սահակ Մեսրոպ ազգային վարժարանը, կիրականորյա դպրոցը, երիտասարդական և այլ միություններ:

«Աշխարհ», 27 հունվարի

Ա Ր Գ Ե Ն Տ Ի Ն Ա

Բուենոս-Այրեսում 16 տարի է, ինչ գոյություն ունի «Հայ համալսարանականներու միություն»: Միությունը կազմակերպել է հայերենի դասընթացներ, որոնց հաճախում են 50—60 ուսանողներ, հաճախ կազմակերպվում են հավաքույթներ, հրապարակային դասախոսություններ, ցուցահանդեսներ, որտեղ ներկայացվում են հայ նկարիչների գործերը: Հիմնված է գրավաճառանոց: Ամեն ամիս հրատարակվում է իսպաներեն լեզվով տեղեկատու լրագրեր, որում արձագանք է գտնում միության գործունեությունը: Վերջերս այդ թերթը («Կաճառը») հրատարակվում է նաև հայերեն լեզվով:

«Նոր օր», 29 մարտի

Ա Մ Ն

1967 թ. սկսել է գործել Նյու-Յորքի Մայր տաճարին կից մշակութային տունը, որտեղ մեծ հաջողությամբ համերգ են տվել Լիլի Զուգասըզյանը, Փաթրիշիա Միքայելյանը և Հերի Զառացյանի լարային քառյակը: Միաժամանակ կանոնավոր գործել են Լոս-Անջելոսում երկու և Ֆիլադելֆիայում մեկ դպրոցները:

«Աշխարհ», 7 փետրվարի

* * *

Հարվարդի համալսարանի հայագիտական համազգային միությունը ունի 3000 անդամներ: Միության նպատակն է ռեզ միայն հայուն, այլ նաև օտարին ծանոթացնել հայ լեզուն և անց-

յալի փառավոր պատմությունը», հաստատելով հայագիտական օջախներ, գրատներ, կազմակերպելով դասախոսություններ և հրատարակելով հայագիտական գրքեր:

Հարվարդի տպարանը այս տարի հրատարակում է անգլերեն լեզվով հայ պատմագիտական երեք հատորներ:

Միությունը կապ է պահպանում Հայաստանի մշակութային կենտրոնների հետ:

«Շարժում», 23 մարտի

* * *

Բոստոնցի երիտասարդ բանաստեղծ Հրանդ Պոնճուքճյանը շահել է այս տարվա բանաստեղծության առաջին մրցանակը: Ամերիկայի 50 նահանգներից 2500 հոգի մասնակցել են այս մրցանակաբաշխությանը, սակայն առաջին մրցանակին է արժանացել Հ. Պոնճուքճյանի «Կանգառ» խորագրով քերթվածը:

«Աշխարհ», 26 հունիսի

* * *

Կալիֆորնիայի համալսարանի հայ ուսանողները կազմել են մի միություն, որուն նպատակն է համալսարանական շրջաններուն ծանոթացնել հայ մշակույթն ու արվեստը:

Իսլամական արվեստի հեղինակավոր մասնագետ, գերմանացի պրոֆ. Օտտո Տորնը դասախոսություն է կարդացել պրոֆեսորների և ուսանողների համար «Հայ ճարտարապետության ազդեցությունը իսլամական ճարտարապետության վրա» թեմայով: Նա մասնավորապես կանգ է առել Վանի շրջանի ճարտարապետական կոթողների վրա, հիացմունքով է արտահայտվել Աղթամարի ճարտարապետական արվեստի մասին, հայտարարելով, որ «Աղթամարի հնությունները գոհարներ են»:

«Աշխարհ», 29 հունիսի

* * *

«Պայքարին» տիկին Բոգ Աբկյուլյանի կողմից ուղարկած մի նկարի առթիվ այդ թերթում կարդում ենք. «Միշտ գաղտնիք մը մնացած էր, թե ինչ պայմաններու տակ Գոլոմպիո (Հարավային Ամերիկա) քաղաքներեն մեկը մրկըրտված էր Արմենիա»: Պատմական տեղեկությունները հարցին պատասխանում են այսպես. «Արմենիա ներկայիս Քուինստիո նահանգի մայրաքաղաքն է: Անոր նախորդ անունն էր Վիլլա տը Հոլկուին: Սակայն այդ քաղաքի հիմնադիրներու յանձնախումբը քիչ ետք փոխեց Արմենիայի, ի յիշատակ թուրքերուն կողմէ քաղաքական ու կրօնական նպատակներով սպաննուած 200.000 հայերուն»:

«Պայքար», 2 մայիսի

Ն. ՎԱՐԳԱՆՅԱՆ.